

**Ya moamoani n Dingi  
O Dandanpaano  
Po**

**(Bualí leni Maguani kaama)**

Edision bon líelo  
VERSION 2.0

***Clear and Simple Media Group***  
[www.clearandsimplemedia.org](http://www.clearandsimplemedia.org) **Avant Propos**

Hali bina boncianla, O Tieniu Niba taaní buali leni lébídíma (mágúaníkàama) ke lan todiba ban ya cogindi bidandanpanba ya móamòani n pia mayuli ki cie ki go pia bipo mi fuoma. Yàa tili n tie ne wangi làa móamòani yii n ba todi ya biyùama n ñòà Jesu. .

Yàa tili n tie ne, lini yaali n pia búali leni lébídíma (mágúaníkàama) 144 yeni diani yaaba ke franse tie bi máabúlu liédu. Yeni misuaginma mábúoli toe nnì ba ya dingi. Búali yendu kuli yegi leni o lébídíma, lébídíma kuli yegi leni ban gandi ya verse n ba U Tieniu Tili nnì. Ban gandi yaala U Tieniu Tili nnì kuli yegi leni o tidaano yeli (nannanli:Mi Cilima) ke ban gandi mi máama yàa dianu nnì mo ñoa (nannanli : diani 2). Li ya pende ke ban gandi mi máama ya verse n ba nni mo ye (nannanli serse 3). Yeni, Micilima diani 2 leni verse 3 Ba cogi : Mi Cilima 2:3.

**Adaptation par :**

*Clear and Simple Media Group*

**Yaaba ñánì li tili:**

Tom Castor  
Susan Moore

**Yaaba n todi leni mi díanma :**

Lee Castor  
Angela McCarty  
Angela Welty  
Joe Welty

**Yaaba n todi leni mi díanma version 2.0 de :**

Gavin Crossley

**Yaaba n cuani Wycliffe Associates (U.K.) tundi leni o todima mi díanma po**

Mike Baker  
Ruth Lloyd-Smith  
Helen Pocock

**Yua n suagini mi maama :**

[www.christian-translation.com](http://www.christian-translation.com)

Lébídí tianma nni bi yen jàa mi máama (nannanli : B. 4) . Wycliffe Associates (U.K.)tùuni leni láa díanma bùolu ki ba pàadi a máa yantiana ki fidi ki todi yaaba ke franse ki tie bi máabúolu ban fidi ki gàa a mátàana.

**CAGILI 1**  
**U TIENU LENI O NISAALO**  
Búali 1 ki gedi 26

**CAGILI 2**  
**TI TUONBIADI\* LENI LIBALI MÁAMA\***  
\* Búali 27 ki gedi 62

**CAGILI 3**  
**KILISITI LENI MI TINDIMA**  
\* Búali 63 ki gedi 90

**CAGILI 4**  
**U TIENU FUOMA YUA LENI**  
**LI JAANDILI**  
Buali 91ki gedi 117

**CAGILI 5**  
**I JAANDI LENI MI SUGINMA**  
Buali 118 ki gedi144

\* Yaa diani n pia mi nàá maalima ye a yèla tigbangu nni li tili júodima pó.

## **CAGILI 1 U TIENU LENI O NÌSÀALO**

**B.1** Nme n tàgì ña ?

**L.** U Tienu n tàgì nnì.

Micilima 1:26-27 ; Micilima 2:7 ; Bi Tondiba 17:26

**B.2** U Tienu go tàgì bontoala moko bi ?

**L.** U Tienu tàgì li bonla kuli.

Micilima 1:31 ; Pisoma 33:6-9 ; Kolosa 1:16-17

**B.3** U Tienu tàgì ña, ki go tàgì bonla kuli : be ya po ?

**L.** U Tienu tàgì nnì ki go tàgì bonla kuli o kpiagidi\* po.

Pisoma 19:2 ; Esayi 43:7 ; 1 kolinta 10:31

**B.4** A ba fidi ki tènì ti kpiagi\* U Tienu lede ?

**L.** N ba tènì o ti kpiagidi\* n ya bua o, n ya bili n dugidi o pò, leni n ya tieni wan yedi min tieni yàala.

Matiyu 5:16 ; Jan 14:21 ; 1 Jan 5:3

**B.5** Pbe ya po yo ke a ba tènì U Tienu ti kpiagidi\* ?

**L.** Kelima o tàgì nnì , kelima o fàamì n pó.

Pisoma 145:9 ; 1 Pielì 5:7 ; Mi doagidima 4:11

**B.6** I tieni ye bonbi ña ?ombien de dieux y-a-t-il ?

**L.** Tienu yendu bebe n ye.

Mi Tiadima 6:4 ; Esayi 45:5 ; Jelemi 10:10

**B.7** LÁa Tienu, ye niba ña ?

**L.** U Tienu ye niba ta.

Matiyu 3:16-17 ; Jan 5:23 ; Jan 10:30 ; Jan 15:26

**B.8** LÁa niba tie Nme nba ?

**L.** Ba, Bijoa, leni U Tienu Fuoma Yua\* .

Matiyu 28:19 ; 2 Kolinta 13:14 ; 1 Pielì 1:2

**B.9** U Tienu tié lede ?

**L.** U Tienu tié Fuoma\*. Wàá pia gbanandi nani onisaalo yeni  
Jan 4:24 ; 2 Kolinta 3:17 ; 1 Timoté 1:17

**B.10** U Tienu pia mi cilima bí ?-t-il eu un commencement ?

**L.** A-a, U Tienu ye hali o yogu, U Tienu go ba ya ye hali ya  
yògùnu kuli. Mi Ñama 3:14 ; Pisoma 90:2 ; Esayi 40:28

**B.11** U Tienu lèbìdì bi ?

**L.** A-a, U Tienu tié yendo u yògùnu kuli po.  
Pisoma 102:27-28 ; Malaki 3:6 ; Ebilunba 13:8

**B.12** U Tienu ye le ?

**L.** U tienu ye i kàani kuli.  
Pisoma 139:7-12 ; Jelemi 23:23-24 ; Jesu Tondiba Tuona 17:27-28

**Q.13** A ba fidi ki lé U Tienu bi ?

**L.** A-a, n kan fidi ki lé U Tienu, ama o nua n ni yògùnu kùlì.  
Pisoma 33:13-15 ; Mi Kpanjama 5:21 ; Jan 1:18 ; 1 Timote 1:17

**B.14** U Tienu bánì li bonla kùlì bi ?

**L.** M'm', U Tienu bánì li bonla kuli. N kan fídì  
wuoni o liba. 1 Samueli 2:3 ; Mi Kpanjama 15:3 ;  
Ebilunba 4:13

**B.15** U Tienu ba fídì ki tiení bonla kuli bi ?

**L.** M'm', U Tienu ba fídì ki tiení wan bua yaala kùlì, yàala n gágìdì  
ḡàni kùlì\*. Esayi 46:9-10 ; Danieli 4:34-35 ; Efesa 1:11

**B.16** Nme n ba bángi ni min bàndì U Tienu, ki dugi opo, ki bùa o ki go  
túo o?

**L.** U Tienu waani nnì O Máama nnì, U Tienu Tili nnì, min ba fídì ki bandi O  
màama, ki dugi Opo, ki bua O, ki go tuo O màama.  
Pisoma 119:104-105 ; Jan 20:30-31 ; 2 Timote 3:15

**B.17** U Tienu Tili bàngi a be ?

**L.** U Tienu Tili bàngi nnì i móamòani U Tienu po, leni wan pia yàa jagili ki bàa fàabi nandúna Jesu Kilisiti nnì. Li go bàngi nnì i móamòani mini nba yaa po.

Pisoma 119:159-160 ; Jan 17:17 ; 2 Timote 3:14-17

**B.18** Nme n díani U Tienu Tili?

**L.** U Tienu Fuoma Yua\* n túdì ki go bángi ya niba.

2 Pielì 1:20-21 ; 2 Pielì 3:15-16

**B.19** Nménba n den tie ti danba cílíkàaba ?

**L.** Adama leni Awa.

Mi Cilima 3:20 ; Micilima` 5:1-2

**B.20** U Tienu tàgì ti danba cílíkàaba lede ?

**L.** U Tienu de taa ki tinga tama ki tàgì Adama gbanandi. O tàgì Awa mo leni Adama gbanangu.

Mi Cilima 2:7 ; Mi Cilima 2:21-23 ; Mi Cilima 3:19 ; Pisoma 103:14

**B.21** Be den gágìdì Adama leni Awa leni yaali n sieni, ki tie U Tienu tàgìma kuli ?

**L.** U Tienu den tàgì Adama leni Awa o nannanli nnì. Mi Cilima 1:26-27

**B.22** Be n teni ke ti fídì ki le U Tienu nannanli Adama leni Awa nnì ?

**L.** U Tienu den puni ba li bálì ke ban fídì ki diedi o tàgìma kúlì. Bi den ba fidi ki gáà ki gbàdi ki bándí yàala n tie móamòani, ki búa yàala n tiègì, ki bàa yàala n nàni fùoma, ki go tìeni yàala n den mani U Tienu. Bi den ba fidi ki yaa yègi leni U Tienu ki go boe leni O.

Mi Cilima 1:26-27 ; Mi Cilima 2:7-9 ; Pisoma 147:10-11 ; Filipa 4:8

**B.23** U Tienu den pùnì Adama leni Awa ti gbanandi, ama o go den pùnì ba be ki púgìni ?

**L.** U Tienu den pùnì ba o naano\* yua n kan kpe abada.

Mi Cilima 2:7 ; Mi Tiadima 6:5 ; O Yanfodaano 12:7 ; Matiyu 16:26

**B.24** Náanì a pia o naano\* leni ti gbanandi ?

**L.** M' m', n pia o naano\* yua n kan kpe abada.

Sakali 12:1 ; Jesu TondibaTuona 7:59 ; 2 Kolinta 5:8

**B.25** Adama leni Awa den tie lede U Tienu n den Tagi ba yaa yògùnu ?

**L.** Bi den gàgìdi ñani\*ki pia yemanma U Tienu n den tàgì ba ya yògònu. Bi den ye leni U Tienu wan ñànbì bipo yaa sadinga nnì.

Mi Cilima 1:26-28 ; Mi Cilima 2:15-17 ; Mi Cilima 2:25 ; Pisoma 8:5-9

**B.26** U Tienu den bílì be ke li tie tiladi Adama leni Awa po ?

**L.** U Tienu de bílì ke ban dùgì O po ki go tuo O máama cáin cáin.

Mi Cilima 2:15-17 ; Pisoma 8:5-9



## CAGILI 2 TI TUONBIADI LENI LI BALI MÁAMA

**B.27** Náanì Adama leni Awa den tuo U Tienu máama, náanì bi den bàá gágìdi ñàni\* ki pia yemanma bi ?

**L.** A-a, báá tuo O máama . Bi den gàndi ki tìeni ti tuonbiadi U Tienu po.  
Mi Cilima 3:6-8

**B.28** Be n tie Ti tuonbiadi\* ?

**L** Ti tuonbiadi\* tie ki kan tieni U Tienu n yèdì ti tin tìeni yàala. Li go tie ki tìeni U Tienu n yíe yàala..

Loma 1:32 ; Jaka 2:10-11 ; Jaka 4:17 ; 1 Jan 3:4

**B.29** Tin tiendi yàa tuonbiadi\* pànpàani tie be?

**L.** Tuonbiadi\* kuli pànpàani tie U tienu pabíenli leni O cuonú.

Mi Tiadima 27:26 ; Loma 1:18 ; Loma 6:23 ; Efesa 5:6

**B.30** Be n de tie tidanba cílikaaba Tuonbiadi\* ?

**L.** Bi den ñmání yaa bonluonkàala ke U Tienu den kùanì ba ban da ñmání.

Mi Cilima 2:16-17; Mi Cilima 3:6

**B.31** Nme den túlínì ba ke ban tìenì ti tuonbiadi\* ?

**L.** O bìadò\* den túlìnì Awa, lani n pendi o mo den tènì Adama li bonluonkàala.

Mi Cilima 3:1-5 ; Jan 8:44 ; 2 Kolinta 11:3 ; Mi Doagidima 12:9

**B.32** Ti danba cílíkàaba n den tìenì ti tuonbiadi ya yògùnu, be n den cua ñanduna po?

**L.** Utienu den sòli ki tinga. Lane ke mi kùuma den kúa ñanduna nnì, nánì U Tienu n den tùodi ki yèdì ba màama.

Mi Cilima 2:15-17 ; Mi Cilima 3:16-17

**B.33** Be n den bàá ti danba cílíkàaba ban den tìenì ti tuonbiadi ?

**L.** U Tienu den deli ki ñani ba sadinga nnì. Baá go de gágìdì ñàni\* ki pia yemanma, amá bi di den túà tuonbiabi danba\* ki pìa i tàgìli, ki gbie leni i fé leni jawaandi.

Mi Cilima 3:8-13 ; 16-19; 23

**B.34** Kelima Adama den tiénì ti tuonbiadi be n den bàá yàaba kuli n yùandi ki cua o ya puoli ?

**L.** Yua n yùandi ki màli Adama leni Awa púolì kuli màli ki tie tuonbiadi daano\*.

Pisoma 51:9 ; Loma 5:18-19 ; 1 Kolinta 15:21-22

**B.35** U Tienu ñáá ñanduna ti solindi nnì bi ? Náani O ñáá o nìsàalo o tuonbiadi nnì ?

**L.** A-a, U Tienu jagi ke o ba fàabi ba. U Tienu níanì ke o baa sòanì o Candàano\*. Matiyu 1:21 ; Jan 3:16-17 ; 1 Jan 4:14

**B.36** Be n tie o ñàntàado\* ?

**L.** O ñàntàado tie níanli mòanli nibi lie bi niba boncianla siiga.

**B.37** Be ya ñantaadi bùoli yo ke U Tienu kúanì leni Isalele yàaba\* ?

**L.** U Tienu den níanì ke o ba téni Abalahama diegu n túà diema cìamma, ke O go ba seligi i nibùoli kuli o yaa pò.

- U Tienu den tènì Musa li bali máama. O den níanì Musa ke o ba ya ye leni o ke o go ba sèligi Isalele dièma, mi ya tuo O ki go kúbì wan den tènì ba yaa bali máama.
- U Tienu den níanì Dafidi ke o bijaba siiga yendo ba ti tùa yaa badiciamo n ba ya die hali ya yògùnu kuli.
- U Tienu den níanì ke dayenli o ba ti kúaní o ñantaadipaano leni ñandúna : Ke o baa pa o sugili o tuonbiadi po ki go lèbìdí nisàalo kuli pàli.

Mi Cilima 12:1-3 ; Mi Cilima 15 ; Mi ñama 24:3-7 ; 2 Samueli 7:16 ; Jelemi 31:31-34

## **Li Balimáama Píiga**

**B.38** Be n tie li balimáama píiga ?

**L.** Li balimáama píiga tie yaa máama ke U Tienu den tènì Musa Isalele yàaba po\*. U Tienu wáni o ba n den díani li balimáama píiga tanpàbimu lie po.

Mi Ñama 31:18 ; Mi Tiadima 9:10

**B.39** Làa balimáama tie milè ?

**L.** Ñan da bàa tientoe n nìntùali.

Ñan da tàá bonli ba ki tàgi bùlo\*, ñan da gbàanì ki pùgì\* la mo.

Ñan da tàa Li Miali Diedo\* a Tienu yeli fanma fanma ?

Ñan yaa tiadi mi fuodima\* dàali ki gagigi li.

Ñan jìgìni a bàa leni a nàa.

Ñan da kpà o nilo.

Ñan da cónbì\*.

Ñan da su.

Ñan da pùà mi fàama a nisàalilielo pò.

Ñan da kúani a yàma ki bùa bonli ba kuli a nisàalilielo n die yàala.

Mi Ñama 20:1-17

**B.40** Mile n tie Li Balimáakpìama ?

**L.** Li Balimáakpìama tie : Ñan da bàa tientoe n nìntùali.

Mi Ñama 20:3 ; Esaïe 45:5-6

**B.41** Li balimáakpìama bángi ti be ?

**L.** Ti bángi ki yàa pùgì\* U Tienu bebe.

Pisoma 44:22-23 ; Matiyu 4:10 ; Midoagidima 22:8-9

**B.42** Be n tie Li Balimáalièma ?

**L.** Li Balimáalièma tie : Ñan da tàá bonli ba ki tàgi bùlo\*, ñan da gbàanì ki pùgì\* la mo.

Mi Ñama 20:4-6 ; Mi Tiadima 5:8-10 .

**B.43** Ti bàngì be Li Balimáalièma nni?

**L.** Ti bàngì ki da pùgì buli\* bi nanana.

Esayi 44:10-11 ; Esayi 46:5-9 ; Jesu Tondiba Tuona 17:29

**B.44** Be n tie Li Balimáatáama ?

**L.** Li Balimáatáama tie : Njan da tàa Li Miali Diedo\* a Tienu yeli fanma fanma ?

Mi Ñama 20:7 ; Mi Tiadima 5:11

**B.45** Ti bàngì be Li Balimáatàama nni ?

**L.** Ti bàngì ki da tàa O Diedo yeli ke tin da yuaní\* O.

Esayi 8:13 ; Pisoma 138:2 ; Mi Doagidima 15:3-4

**B.46** Be n tie Li Balimáanàama ?

**L.** Li Balimáanàama tie : Njan yaa tìadi mi fuodima\* dàali ki gagigi li.

Mi Ñama 20:8-11 ; Mi Tiadima 5:12-15

**B.47** Ti bàngì be li Balimáanàama nni ?

**L.** Ti bàngì gi ke ti jìgìndi\* U Tienu ti ya fùodi o dàali yaa yogunu, ti ya tùnuni li tuonli dana yaa yogunu leni ti ya pùgi o yaa yogunu .

Mi Ñama 16:23 ; Esayi 58:13-14

**B.48** Be n tie Li Balimáamùúma ?

**L.** Li Balimáamùúma tie : njan jìgìni\* a bàa leni a nàa.

Mi Ñama 20:12 ; Mi Tiadima 5:16

**B.49** Ti bàngì be Li Balimáamùúma nni?

**L.** Ti bàngì ki ya bua ti danmba ki go yaa tuodi bi máama.

Mi Kpanjama 1:8 ; Efesa 6:1-3 ; Kolosa 3:20

**B.50** Be n tie Li Balimáaluobima ?

**L.** Li Balimáaluobima tie : Njan da kpà o nilo.

Mi Ñama 20:13 ; Mi Tiadima 5:17

**B.51** Ti bàngì be Li Balimáaluobima nni?

**L. Ti bângì ki da nánì nitoaba, bi ki da ñàni nilo miali.**  
Mi Cilima 9:6 ; Matie 5:21-22 ; 1 Jan 3:15

**B.52** Be n tie Li Balimáalèléema ?

**L.** Li Balimáalèléema tie : Njan da cónbì\*.  
 Ñama 20:14 ; Mi Tiadima 5:18

Mi

**B.53** Ti bàngì be Li Balimáalèléema nni? ?

**L.** Ti bàngì ke ti kan tààni leni yàa nilo n kàá tie ti calo bi ti pua .  
 Matie 5:27-28 ; Efesa 5:3-4

**B.54** Be n tie Li Balimáanìima ?

**L.** Li Balimáanìima tie : Njan da su.  
 Mi Ñama 20:15 ; Mi Tiadima 5:19

**B.55** Ti bàngì be Li Balimáanìima nni?

**L.** Ti bangi ki da tàá yàa bonla n tie ni toaba yàala.  
 Mi Ñama 23:4 ; Mi Kpanjama 21:6-7; Efesa 4:28

**B.56** Be n tie Li Balimáayíáma ?

**L.** Li Balimáayíáma tie : Njan da pùá mi fàama a nisàalilielo pò.  
 Mi Ñama 20:16 ; Mi Tiadima 5:20

**B.57** Ti bàngì be Li Balimáayíáma nni?

**L.** Ti bàngì ki ya tie pàpiendanba ki go yàa máadi i  
 móamòani .  
 Pisomi 15:1-3 ; Mi Kpanjam 12:17; 1 Kolinta 13:6

**B.58** Be n tie Li Balimáapìiga ?

**L.** Li Balimáapìiga tie : Njan da kúani a yàma ki bùa bonli bá kuli a  
 nisàalilielo n die yàala.  
 Mi Ñama 20:17 ; Mi Tiadima 5:21

**B.59** Ti bàngì be Li Balimáapìiga nni?

**L.** Ti bàngì ki ya mangidi\* ti pala tin pia yàala po.\*  
 Filipi 4:11 ; 1 Timote 6:6 ; Ebilunba 13:5

**B.60** Jufinba buolu yàaba den kùbi U Tienu n den teni Musa yaa  
 balimáama bi ?

**L. A-a.** Bi den miidi U Tienu balimáama, ke o den cùo ba kelima o den tùodi ki wáani ba.

Mi Tiadima 9:12 ; Esekeli 39:23

**B.61** Náanì o nilo ba fidii kùbi U Tienu bali máama li bonla kuli nnnì bi ?

**L.** Adama den yíe U Tienu. Ki cili láa yogunu, nisaalo bàa kuli ki go fidi ki kùbi U Tienu balimáama.

O Yanfuodaano 7:20 ; Loma 3:23 ; Jaka2:10

**B.62** Li balimáama píiga doagidi tipo be ?

**L.** Li balimáama píiga bàngì ti ke U Tienu gágìdi ñàni, ki go màni. Mi wàngi ti tin ba wàani ti bùama U Tienu pò leni ti yàka pò màama. Mi teni ke ti bándi ke ti tie tuonbiadi danba\*, ke tii tùodi U Tienu máama, ki go wáani ti ke ti bua o Cándàano n fàabi ti.\*

O Yanfuodàano 12:15 ; 1 Timote 1:8-9 ; Loma 3:20 ; 5:13 ; 7:7-11 ; Galati 3:19-24

### **CAGILI 3 KILISITI LENI MI TÍNDIMA \***

**B.63** Nme n tie o Cándàano\* ?

**L.** Ti tuonbiadi danba\* pia Cándàanyèndo bebe, o Cándàano\* Jesu Kilisiti  
Luka 2:11 ; Jesu Tondiba Tuona 4:11-12 ; 1 Timote 1:15

**B.64** Nme n tie Jesu Kilisiti?

**L.** Jesu Kilisiti tie U Tienu bijùà hali ya yogunu kuli\*.

Jan 1:1,14,18 ; Jan 3:16,18 ; Galati 4:4 ; kolosa 1:15-18 ; Ebilunba 1:1-3 ;  
1 Jan 5:20

**B.65** Be yáa pò ke U Tienu den soani O Bijùà ñanduna nnì ?

**L.** U Tienu den soani O Bijùà ñanduna nnì kelima o den bua ti, kelima O tie  
mi niñima leni li ñanbili\* pàabu Tienu .

Pisoma 103:8-11 ; Jan 3:16-17 ; Loma 5:7-8 ; Efesa 2:4-5 ; 1 Jan 4:9-  
10

**B.66** Jesu den taa ki tie Tienu leni nisàalo yenma bí ?

**L.** M' m', Jesu den tie Tienu cain ki go tie nisàalo cain.

Jan 1:1-3, 14 ; Filipi 2:5-11 ; Kolosa 2:9 ; Ebilunba 2:14-18

**B.67** Jesu o Candàano\* soani ki gbeni be ya tònli le ?

**L.** O den tuo U Tienu yanbuama libonli kulin nnì ki go tógì ti tuonbiadi  
danba\* cùonú.

Loma 8:3-4 ; Filipi 2:7-8 ; Ebilunba 4:15 ; Ebilunba 9:14-15

**B.68** Be yáa pò ye ke Jesu den kpe ?

**L.** Jesu den kùugí U Tienu pabienli wan den gaá ti tuonbiadi danba\* kàanu  
ki kpe.

Maka 10:45 ; 2 Kolinta 5:19-21; Galati 3:13

**B.69** Jesu U Tienu bíjùà hali ya yogunu kuli, tieni lédè ki fidi ki gáá  
tituonbiadi danba\* kàanu ki láà fàla ?

**L.** Jesu, U Tienu bíjùà , den túà nisàalo.

Jan 1:14 ; Galati 4:4,5 ; Kolosa 2:9

**B.70** U Tienu bíjùà , den túà nisàalo lédè ?



**L.** U Tienu Fuoma Yua yàa po, ke li powandiali\* Maliyama den mali o .  
Esayi 7:14 ; Matiyu 1:18-21

**B.71** Jesu yéma ki tinga nnì den tùa be ya yema bùolú ?

**L.** O yéma den díngrì, ki pia li fáadili ki go tie yumínli yèma.  
Matiyu 8:20 ; Matiyu 11:28-30 ; Luka 4:18-19 ; 2 Kolinta 8:9 ; 2  
Kolinta 10:1

**B.72** O Diedo\* Jesu tieni tuonbiadi bá yenma bi ?

**L.** A-a, o gágìdii nàni, ki go tìegi cáin.  
Jan 8:29 ; 2 Kolinta 5:21 ; Ebilunba 7:26 ; 1 Pielì 2:21-23

**B.73** Jesu den kpe lédè ?

**L.** Kilisiti den kpe li dapoanpoanli\* po.  
Luka 23:33 ; Galati 3:13 ; Filipa 2:8

**B.74** Kilisiti n den kpe, o baa ye li kuli nnì bi ?

**L.** A-a, Kilisiti fii bi tinkpiba siiga li dataàli daali.  
Matiyu 28:5-7 ; Luka 24:5-8 ; Loma 4:25 ; 1 Kolinta 15:3,4

**B.75** Yaaba n tieni ti Tuonbiadi\* yeni siiga, U Tienu ba faabi\* nme ?

**L.** U Tienu ba fàabi yaaba n baa biidi bi pala ki lebidi bi yama bi  
tuonbiadi po (yaaba n túubì), ki nan daani o Diedo Jesu kilisiti.  
Maka 1:14,15 ; Jan 3:16-18 ; Jesu Tondiba Tuona 20:21

**B.76** Ki biidi n pali ki lebidi n yama\*(ki túubì) bua ki búndì be ?

**L.** Ki biidi n pali ki lebidi n yama tie ki túubì n tuonbiadi\* po,\* li tie ki búlì  
ki nà n tuonbiadi\* kelima ti tie bí U Tienu po.  
Luka 19:8-10 ; 2 Kolinta 7:9-10 ; 1 Tesalonika 1:9-10

**B.77** Ki ya pia li dandanli\* Kilisiti nnì bua ki búndì be ?

**L.** Ki ya pia li dandanli\* Kilisiti n nnì tie ki daani Jesu. Kilisiti bebe n tie tin ba dúgi yua yaapo ke wan fàabi\* ti.

Jan 14:6 ; Jesu Tondiba Tuona 4:12 ; 1 Timote 2:5 ; 1 Jan 5:11-12

**B.78** Náanì a ba fidi ki biidi a pali ki lebidi a yama ki go daani Kilisiti leni fini a ba ya paalu bi ?

**L.** A-a, U Tienu Fuoma\* Yua n ba todi nni.

Jelemi 13:23 ; Jan 3:5-6 ; Jan 6:44 ; 1 Kolinta 2:14

**B.79** Bi niba ba lé i móamòani Kilisiti po lè ?

**L.** O Làabáali ñàmo\* tila nnì, O làabáali ñàmo pùuní o Cànndaano biniba kùlì po.

Maka 1:1 ; Jesu Tondiba Tuona 15:7 ; Loma 1:16-17

**B.80** Dinla Jesu ti Cànndaano\* tùà be tinba yáa pò ?

**L.** Jesu Kilisiti tùà ti sáwàlìpúalo\*, ti kopàdicìamo leni ti bádo.

Matiyu 13:57 ; Jan 18:37 ; Ebilunba 1:1-3 ; Ebilunba 5:5-6 ;

Mi Doagidima 1:5

**B.81** Be yáa pò ke Jesu tùà sáwàlìpúalo\*?

**L.** Kelima o wángi ti U Tienu n tie yùà, o go bàngí ti tin ya màngìdí o pali.

Mi Tiadima 18:18 ; Jan 1:18 ; Jan 4:25-26 ; Jesu Tondiba Tuona 3:22 ; 1

Jan 5:20

**B.82** Be yáa pò ke ti bua Kilisiti n yaa tie sáwàlìpúalo\* ?

**L.** Kelima ti kan fídíi bàndi U Tienu li yáa tie leni wáni .

Matiyu 11:25-27 ; Jan 17:25-26 ; 1 Kolinta 2:14-16

**B.83** Be yáa pò ke Jesu tùà Kopàdicìamo ?

**L.** O gáa ti kàanu ki kpe gi go máadi leni U Tienu ti pò.

Pisoma 110:4 ; Ebilunba 4:14-16 ; Ebilunba 7:24-25 ; 1 Jan 2:1-2

**B.84** Be yáa pò ke ti bua Kilisiti n ya tie kopàdicìamo?

**L.** Kelima ti yáa tuonbiadi kúanì ti i tàgìli nnì leni i fè nnì.

Mi Kpanjama 20:9 ; O Yanfuodaano 7:20 ; Esayi 53:6 ; Loma 3:10-12 ;

Loma 3:23 ; Jaka 2:10

**B.85** Be yáa pò ye ke Jesu tùa bádo ?

**L.** Kelima o góbídi ti ki go gùú ti.

Pisoma 2:6-9 ; Efesa 1:19-23 ; Mi Doagidima 15:3-4

**B.86** Be yáà pò ke ti bua Kilisiti n ya tie bádo ?

**L.** Kelima ti tàdì ki go pia i jeje.

2 Kolinta 12:9-10 ; Filipi 4:13 ; Kolosa 1:11-13 ;

Ebilunba 13:5-6 ; 2 Timote 1:12

**B.87** Be yá sela\* yo ke ti bàa ba ti ya dáani Jesu Kilisiti ?

**L.** U Tienu ba pa ti sùgíli ki go sàá (yedi) ke ti tie ni teginkàaba\*.

U Tienu ba gàá ti o diegu nnì nani ke ti tie o yáa bila yeni.

U Tienu gágìdii ñánbi\* ti pala leni ti tàgu (ki teni ti ya ñani cáin ) .

U Tienu ñànbili po, ti gbanandi leni ti nàano\* ba ti yáa ñani cáin bi tinkpiba fìma daali\*.

Loma 5:18; Galati 4:4-6; Efesa 1:5; Ebilunba 10:10-14; 1 Jan 3:2

**B.88** U Tienu bà pà nnì láa sela\* kelima n tàgi ñamu pò bi ?

**L.** A-a, U Tienu pùuni nnì láa sela\* kelimà O ñanbili pàabu\*pò. Mìí púndi ki bàa ña, n kan fidi ki soani hali ki bàa ña mo.

Esayi 64:6 ; Efesa 2:8-9 ; Tita 3:4-7

**B.89** Náanì dayenli U Tienu ba ti gaa o sela\* yàaba n lèbìdi ki daani o móamòani kani bi ?

**L.** A-a, Jesu kan ñàa abada yàaba n bìli bi dugidi\* o pò ke wan fàabi\* ba.

Jan 10:27-30 ; Loma 8:38-39 ; Filipi1:6 ; 1 Pielì 1:3-5

**B.90** Be n tie U Tienu ñanbili pàabu\* ?

**L.** Li ñanbili pàabu tie U Tienu n tiendi ti pò ya buama leni ya mànú ke tìí bi dàgidi ki bàa.

Mi Ñama 34:6 ; Efesa 1:7-8 ; 2 Kolinta 8:9

## **CAGILI 4 U TIENU FUOMA YUA LENI LI JAANDIELI**

**B.91** Be n tié U Tienu n bua yaala yàaba n bìlì bi dugidi Jesu nnì ke o tie bi Candàano kùlì pò ?

**L.** O bua ke ban ya pia ya pàli n gágìdi ki nàni, ki go ya tie nánì Jesu yeni.  
Efesa 1:4 ; 1 Pieli 1:15 ; 2 Kolinta 7:1

**B.92** U Tienu bàa tieni lede ti pali\* leni ti tàgu n gágìdi njanbi\* ?

**L.** U Tienu bà pa ti yàa pali n pàani, ki go pa ti o Fuoma yua.  
Esekieli 36:26 ; Loma 8:1-14 ; Galati 5:22-26 ; Efesa 1:13

**B.93** Njme n tie U Tienu Fuoma Yua\* (Fuo Gágìdí njanma) ?

**L.** U Tienu Fuoma Yua\* tie U Tienu. U Tienu báa leni U Tienu Bijùà sòani U Tienu Fuoma\*.

Matiyu 28:19 ; Jan 14:26, Jan 15:26 ; 2 Kolinta 13:14

**B.94** U Tienu Fuoma Yua tùá be ti pò dinla ?

**L.** U Tienu Fuoma Yua tié o niñingbadilo, o ciankoa, leni o góbídíkoa yàaba kùlì n bìlì bi dugidi Jesu nnì pò.

Jan 16:7-8,12-15 ; Loma 8:14-16 ; 1 Kolinta 6:19 ; Efesa 1:14

**B.95** N bà fidi ki bandi lede ke U Tienu Fuoma yua gágìdii njanbidi nni\* ?

**L.** N bà yabidi, n ba tùa nani n Candàano Jesu Kilisiti yeni. N bàa le U Tienu Fuoma yua bonluonkàala n pali\* nnì leni n tàgu nnì.

Kolosa 1:9-12 ; Efesa 3:16

**B.96** U Tienu Fuoma Yua bonluonkàala tie be ?

**L.** U Tienu Fuoma Yua bonluonkàala tie mi buama, li pamanli, mi yàndùanma, li júunli, mi ñanma, ti bùlìcìndi, ti dugidi, mi dingima li yùkúbili.

Galati 5:22-23

**B.97** N yà yé Jesu nni náani n li bàa ye li bààli leni u mànu nnì bebe yògùnu kùlì bi ?

**L.** A-a. N ba fidi ki ba yògùnu ba a pàka. Dàalinba n ba fidi ki le fala bi ban ya náani nnì nàni lan den tie màama Jesu pò yeni.

Jan 15:18-19 ; 2 Timote 3:12 ; Loma 8:23-25 ; Jaka 1:2-4 ;

1

Pieli 4:12-13

**B.98** U Tienu yen todi ti lede ti ya ye yàa yògùnu n pà nni ?

**L.** O yen pà nnì o Fuoma Yua wan bààgi nni ki go pà nni li jàandieli mo ke lin kùbi nni. O go pùuni nni o ñoanianu ke o ba teni li bonla kuli n ya táani ki tùuni mini ya ñànbíli pò, leni o kpiagidi pò ?

Loma 5:3-5 ; Loma 8:18 ; 1 Tesalonika 5:11 ; 1 Pieli 4:12-19 ; 1 Pieli 5:10

**B.99** Be n tie li jàandieli\* táanma yaaba (Eglise Universeli) ?

**L.** Li jàandieli táanma yàaba (Eglise Universeli) tie U Tienu niba kùlì, wan n dàa ki fàabi\* yaaba kuli. Li jaandieli yaaba táanma tie Bà U Tienu diegu yaaba, li tie Kilisiti gbanandi, ki go tie yà kàanu nnì ke U Tienu Fuoma\* Yua\* fò liennì.

1 Kolinta 12:27 ; Efesa 3:14-15 ; Efesa 5:23 ; Kolosa 1:24 ; Ebilunba 2:11

**B.100** Be n tie li jàandieli\* táanma yaaba, yàaba n táagi kàanyendu nni (Eglise\* lokali)

**L.** Eglisi\* lokali tie ya nitàanli n dugi Jesu Kilisiti pò ki go tuo ki kùbí o bangima. Bi táani ki kpiagidì U Tienu, ki cengi ki go bàngì i Diani n yedi yàala. Bi kùbí yába ki go fàamì bi pó. Bi táágí jaandi ki go tùuni ke U Tienu Diema\* n yàbìdi. Bi batisi yaaba n dáaní ki go táagi ki tàani ti Diedo tabili.

Matiyu 28:19-20 ; Jesu Tondiba Tuona 2:41-42 ; Jesu Tondiba Tuona 8:36-39 ; Jesu Tondiba Tuona 14:23 ;

Loma 6:1-5 ; 1 Kolinta 11:23-26 ; Tita 1:5

**B.101** Náanì a ba tùa li jaandieli\* táanma yaaba, yàabi n táagi kàanyendu (Eglisi lokali) yua bi ?

**L.** M'-m'. Li jaandieli\* yaaba táanma kàanyendu nnì (eglisi locali) tie yàa ni táanli n ba todi nnì min kpédi ki go ya pia o fídú n dandanli nnì. Lankàne ke n ba bángí ki tùó Jesu mabilikapànma. Ebilunba 10:24-25

**B.102** Be n tie yàa mabilikapànma ke Jesu n teni li jaandieli ?

**L.** Jesu yedi : « Yin ya bua yiyaba ; nani min bua yi maama, yimoko n bua yiyaba yeni. » Jan 13:34

**B.103** Ti ba fidi ki doagidi láabuama lede ?

**L.** Ti doagidi láa buama ti ya pia u mànù ti yaba pò, ki jaandi yábà pò, ki go pùuni yaba sugili. Ti go doagidi láa buama ti ya jìgìndi\* ti yábà yàa yògùnu, ti yà todi yábà ki go páagídi yábà pàla. Ti go tiendi la tin máadi i móamòdani leni ti líelo yàa yògùnu, ki go lingi ki kpia kúani tòaba yáa ñantáadi ki yuandi ki kúaní ti yáa yii.

Loma 12:10 ; Efesa 4:32 ; Kolosa 3:9,13 ; 1 Tesalonika 4:18 ; Jaka 5:16

**B.104** Mi batisima\* tie bè ?

**L.** Mi batisima\* yògùnu li jaandieli góbíkoa yen míaní (ñùagí) o nilo mi ñìma nni yògùnu wàamu bebe po, Ki go gòaa ki fìno wan go ña mi ñìma nnì. O yen tieni yeni Bàa, Bijùà, leni U Tienu Fuoma Yua\* yeli nnì. Matiyu 3:6,16 ; Maka 1:5 ; Jesu Tondiba Tuona 8:12

**B.105** Nme n ba fidi ki tùa batise\* ?

**L.** Yàa nilo kuli n bìidi o pali ki lèbìdì o yama\* o tuonbiadi\* pò kùlì ba fidi ki tùa batise, leni yàaba daani kilisiti mi tindima\* pò kuli moko ba fidi ki tua batise.

Jesu Tondiba Tuona 2:38,39 ; Jesu Tondiba Tuona 8:36-37 ; Jesu Tondiba Tuona 16:30-33

**B.106** Mi batisima\* bua ki yedi bè ?

**L.** Mi batisima\* tie yà màalima n wáani ke li daandanli yà táanì leni Kilisiti, O kúuma nnì, o píinma nnii leni o fìma bitinkpiba siiga. Mini yáa pò láa bonla wáani ke n táá o jaandieli nnì.

Jesu Tondiba Tuona 16:30-33 ; Loma 6:3-5; Kolosa 2:12

**B.107** Kilisiti Yaaba tiendi be ki tiadi Jesu kúuma bi pò?

**L.** Bi yen táagí ki tàandi ti Diedo tabili .

Maka 14:22-24 ; 1 Kolinta 11:23-29

**B.108** Be ntie ti Diedo tabili\* ?

**L.** Ti Diedo tabili\* yògùnu, ti yen nmani dipen ki go ño ki tadiñokàaga. Ti tiendi la ke tin ya tíadi Jesu Kilisiti kúuma.

Maka 14:22-24 ; 1 Kolinta 11:23-29

**B.109** Dipen búndi bè ?

**L.** Ban cábìdi yà dipen máádi kilisiti gbanàndi yàadi n pòagilì máamá. O den kpe yènma ti yàa tuonbiadi\* pò.

Matiyu 26:26 ; 1 Kolinta 11:24

**B.110** Ki tadiñokàaga búndi bè ?

**L.** Ki tadiñokàaga máadí Kilisi soama Máama. O den wúlì o soama yènma ti tindima\* po.

Matiyu 26:27-28 ; 1 Kolinta 11:25 ; Ebilunba 9:26-28

**B.111** Nme n ba fidi ki tàa ti Diedo Tabili\* ?

**L.** Yàa nilo kuli n bíidi o pali, ki lèbìdi o yanma o tuonbiadi pò ki batisi kuli ba fidi ki tàá. Li tie yàabà n dàani Jesu bi tindima\* pò kuli yáapò.

1 Kolinta 10:16,17 ; 1 Kolinta 11:18-29

**B.112** Nme púní li jaandieli\* mi batisma\* leni ti Diedo tabili\* ?

**L.** O Diedo\* Jesu-Kilisiti n púní.

Matiyu 26:26-29 ; Matiyu 28:18-20

**B.113** Be yáapò ke Jesu Kilisiti púnì li jaandieli\* mi batisma\* leni ti Diedo tabili\* ?

**L.** Kelima o buaa wàani ke O niba tie o yàabà. Láa bontienikàala tiadí ti Jesu n den tieni ti pò yàala.

Matiyu 28:19 ; Loma 6:1-5 ; 1 Kolinta 11:23-26

**B.114** Mi lè n den tié Kilisiti n téni o jaandieli\* yà mabilijuodikàama ?

**L.** « U Tienu púní nnì u paalu kuli, tanpoli leni ki tinga pò kuli. Lanwani, gedi mani ki tieni i nibuoli kuli nnì bi ñoadikàaba, ki batisi ba Bàa, Bijua leni U Tienu Fuoma Yua yeli nni, Ki bàngi ba yàa kùbí min den yedi yi yàala kúli. N ba yàa ye leni yi yaa yògùnu kúli, hali ñanduna jùodima. »

Matiyu 28:18-20

**B.115** Be n tie O diedo dàali\* ?

**L.** O diedo dàali tie dana lele cìlìma dàali. Kilisiti táanli ni cílíkàaba den yen táági láa dàale ki bàa jáandi\*.

Jesu Tondiba Tuona 20:7 ; 1 Kolinta 16:2 ; Mi Dòagidima 1:10

**B.116** Be yáa pò ke bi yíní láa dàali O Diedo\* dàali ?

**L.** Kelima lan dàale ke Kilisiti fii bi tinkpiba siiga.

Matiyu 28:1-6 ; Luka 24:1-6 ; Jan 20:1

**B.117** Ti ba kúbì o Diedo dàali bonñanla ledè ?

**L.** Tin ba kúbì láa dàali lan yàa ñani ki cie màama n tie ki táani leni U Tienu niba ki kpìagí o ki go páagí ti lèba pàla ti dandanli nnì.

Pisoma 27:4 ; Loma 12:9-13 ; Kolosa 3:16



## CAGILI 5 I JAANDI LENI MI SÚGÍNMA

**B.118** I Jaandi tie bè ?

**L.** I jaandi tie ki máadi leni Utienu. Ti tùondi o kelima o ñanma pò. Ti wángi o ti tuonbiadi. Ti mìadi o yàabonla n m̀ani opò.

Matiyu 6:6 ; Filipi 4:6 ; 1 Jan 5:14

**B.119** Ti ba yáa jáandí ñme yàa yèli nnì ?

**L.** Ti ba yáa jáandí Jesu yàa yèli nnì.

Jan 14:13-14 ; Jan 16:23

**B.120** Ti ba yáa jáandi u làá yògùnu ?

**L.** Ti ba fidi ki jaandi u Tienu lan tie yàa yògùnu kuli, lan tie yàa kàanu kuli nnì.

Matiyu 6:6 ; Efesa 6:18 ; Jesu Tondiba Tuona 21:5 ; Kolosa 4:2

**B.121** Jesu púni ti be ke tin b́ngì tin ba yàa jaandi màama ?

**L.** O púni ti yàa jaandi n cili « Ti Báa».

Matiyu 6:9-15 ; Luka 11:2-4

**B.122** Yàa jaandi n cili« Ti Báa » tie bè ?

**L.** Ti Báa yàa n ye tanpoli\*,

A yeli n bàà mi gàgídíma , (ti kpìagìdi ayeli)

A diema\* n cùà.

A yanbuama n tieni

Ki tinga nnì nani man tiendi màama tanpoli\* pó.

Pa ti dinla yàa jèema n dagigidi.

Tieni tipo sugili\* ti tudima\* pò

Nani ti moko n tieni sugili\*

Yàaba n tudi tipo màama yeni.

Da tuo tin bàà mi tulinma nnì.

Ama ñan ga ti o Biado\* kani.

Matiyu 6:9-13

**B.123** Míabu ñàa n ye yàa jaandi n cili « Ti Báa » niinnì ?

**L.** Li ye míabu lùoba (6).

**B.124** Bu míakpìabu tie bulè ?

**L.** « A yeli n bàà mi gagidima » (Ti Kpìagìdi a yeli)

Matiyu 6:9 ; Luka 11:2

**B.125** Ti jàandi be yàa pò ti míakpìabu nnì?

**L.** Ti jàandi ke ñanduna kuli n kpìagí U Tienu yeli.

Pisoma 8:2-3 ; Pisoma 72:18-19 ; Pisoma 113:1-3

**B.126** Míabu líe tie be ?

**L.** « Ke a diema\* n cua »

Matiyu 6:10 ; Luka 11:2

**B.127** Ti jàandi be yàa pò míabu liè nnì ?

**L.** Ti jàandi ke ñanduna niba kùlì n gbàdi ki go dáanì o làabáali ñàmo, ki nan tùo Jesu n tùa bi Diedo\*.

Jan 17:20-21 ; Jesu Tondiba Tuona 8:12 ; Jesu Tondiba Tuona 28:30-31 ; Mi Dòagidima 11:15

**B.128** Míabu tàa tie be ?

**L.** « A yanbuama n tieni ki tinga nnì nani man tiani màama tanpoli\*  
» Matiyu 6:10

**B.129** Ti jàandi be yàa pò míabu tàa kani ?

**L.** Ti jàandi ke biniba ki tinga nnì n ya tiendi yàala n màni U Tienu pò li bonli kùlì nnì, nánì malekinba\* n tiendi màama tanpoli diema\* nnì.  
Pisoma 103:19-22 ; Pisoma 143:10

**B.130** Míabu nàà tie be ?

**L.** « Pa ti dinla yàa jìema n dagigidi. »  
Matiyu 6:11 ; Luka 11:3

**B.131** Ti jàandi be yàa pò míabu nàà kani ?

**L.** Ti miadi ke U Tienu n pà ti yàali n dagidi ti gbàrandi yèma po kùlì .  
Pisoma 145:15-16 ; Kpànjama 30:8-9 ; Matiyu 6:31-33

**B.132** Míabu mùù tie be ?

**L.** «Tieni tipo sugili\* ti tudima\* pò nani ti moko n tieni sugili\* yàaba n tudi tipo màama yeni. »  
Matiyu 6:12 ; Luka 11:4

**B.133** Ti jàandi be yàa pò míabu mùù kani ?

**L.** Ti jàandi ke U Tienu n pà ti sugilil\* sugili ti tuonbiadi\* pò. Ti go miadi ke U Tienu n tòdi ti tin pà sugili yàaba n tudi ti mo yàa pò.  
Pisoma 51:4-5 ; Matiyu 5:23-24 ; Efesa4:32

**B.134** Míabu lùoba tie be ?

**L.** « Da tuo tin bàa mi tulinma nnì. Ama ñan ga ti o biado\* kani. »  
Matiyu 6:13 ; Luka 11:4

**B.135** Ti jàandi be yàa pò míabu lùoba kani ?

**L.** Ti jàandi ke U Tienu n kùbì tin da tieni tuonbiadi. Ki go gùudi ti leni o biado\* .

Pisoma 119:11 ; 1 Kolinta 10:13 ; 2 Timote 4:18

**B.136** I Jàandi bángí ti bè ?

**L.** I jàandi bángí ti tin cèdi U Tienu n yàa tie ti li bonla kuli pò. Tin yàa nua wan bebe o tòdima pò.

Efesa 6:18 ; Filipi 4:6 ; Ebilunba 4:16

**B.137** Kilisiti ye le móalá ?

**L.** Kilisiti ye móalá tanpoli diema\*, U Tienu Báa jènu pó.

Maka 16:19 ; Jesu Tondiba Tuona 5:31 ; Loma 8:34

**B.138** Kilisiti bà gòa cua ki tinga nni bi ?

**L.** M'-m, o bà goa cùà ki jàa ñanduna leni ti bùùdi li júodi daali. Lanwani o ba fàabí yàaba n gùú o fàabima.

Matiyu 25:31-32 ; 2 Tesaloka 1:7-9 ; 2 Timote 4:1 ; Ebilunba 9:28

**B.139** Be n bà tieni bi niteginkàaba\* bi kùuma yògùnu. ?

**L.** Bi gbanandi bàà gùani mi tama nnì, bi nàáni mo ba gedi ki ban ya ye leni o Diedo\*.

Mi Cilima Tili 3:19 ; O Yanfùodàano 12:7 ; 2 Kolinta 5:8

**B.140** Be n bà tieni bi nibiàdiba\* bi kùuma yògùnu. ?

**L.** Bi ni biàdiba\* gbanandi ba gùani mi tama nnì, bi nàáni\* mo ba le fala biàdò. U Tienu kùbí ba wan bàà cùà ki jàa ti bùùdi leni ñanduna yàa dàali pò. Luka 16:23-24 ; Jan 5:28-29 ; 2 Pielì 2:9

**B.141** Bi tinkpiba ba góa fàadi bi ?

**L.** M'-m', Bi tinkpiba kuli ba fii Jesu yà gòà yògùnu.

Danieli 12:2 ; Jan 5:28-29 ; Jesu Tondiba Tuona 24:14-15

**B.142** Bè n bà tieni bi nibiadiaba yàa dáali ke Kilisiti ba gòà cùà ki bùù leni nanduna ?

**L.** U Tienu bà cùó ba u fantanbùogu nnì leni ya fala biadò n kàá pia gbenma. Bi bà lú ba U Tienu n kàà yé yà kàanu nnì hali ya yògùnu kuli.

Matiyu 25:41,46 ; Maka 9:47,48 ; Luka 12:5 ; Luka 16:23-26 ; 2 Tesalonika 1:9 ; Mi Doagidíma 20:12-15

**B.143** Bè nba tiení bi niteginkàaba\* ?

**L.** Bi ni teginkàaba\* ba yàa ye leni yemanma leni U Tienu. Bi ba ya ye hali yàa yògùnu kuli o tanpopàano\* leni tin panga nnì.

Esayi 66:22-23 ; 2 Pielì 3:13 ; Mi Doagidíma 21:2-4

**B.144** O tanpopàano\* leni ki tinpànga ba yà nàaní leni bè ?

**L.** O tanpopàano nnì, ti ba yàa ye leni U Tienu. Ti kan tieni tuonbiadi abada. Ti kan kpe abada. Sòlindi, bi pabìili, bi fùnfunma kuli kan ya ye. Ti kan ya pia tàgìli ababa. Ti kan go ya pia jawàandi, ti kan go ya pia fè. Ti bàà bà yàa pamanli n ña U Tienu kàni.

Ebilunba 12:22-23 ; Jude 24 ; Mi Doagidíma 21:1-5 ; Mi Doagidíma 22:1-4.

**Yàa Tila yèla n nòà nè n todi yàa bangima n tie ne yàa bògìnlì pò :**

●The Westminster Shorter Catechism ●The Heidelberg Catechism ●A Small Catechism par Martin Luther ●The Geneva Catechism par Jean Calvin ●Catechism for Young People, publié par Hayes Town Chapel Evangelical Church, Middlesex, England ●Catechism for Young Children, publié par Reformed Baptist Church of Grand Rapids, Michigan ●The Catechism for Young Children with Cartoons, publié par Vic Lockman, Ramona, California ●Spurgeon's Catechism, publié par Word of Truth Publishing, Canton, Georgia ●The Shorter Catechism: A Baptist Version, publié par Simpson Publishing Company, Boonton, New Jersey ●A Catechism publié par Bob Jones University Press, Greenville, South Carolina ●Christ My Only Comfort: The Heidelberg for Baptists, éditeur inconnu

## A YÈLA TÍLÌ

### YÈLI

### Bùndima

I bímòanga bálì

I bímòanga bálì bàama tié yàa bontienkàala n ɲòadi li bálì màama sànu yùu yàapò ke nilo ba cùani o nilo o diegu bùolù nnì, ki wùbi o móalá nani o bi mòanga yèni. Hali yògù ti den tié cànba leni yíbalinba U Tienu nùni pò. Ama móalá, U Tienu yi ti O bibùadimu.

Págì

Ki págì U Tienu tié ki yèdi o ke o yàbi, ke ti bùa o boncìanla. Li tie ki pkiagi, ki go tuondi U Tienu. Lani n tié tin ba yàa tiendi yàala ti yà yè leni U Tienu yàa yògùnu.

Còncònma

Còncònma tie ki tàani leni yàa nilo n kàá tie a calo bi a pù.

Naano

Li tié onilo bóagíli ban kan fidi ki le yàali, ama ke li nan ye o niinni o yèma yògùnu kùli nnì, ki go ba sùagì liiga ki yaa fo láa nilo ya kpe. U Tienu n den fúò li miali yaa fùoma Adama leni Awa niinni, o den pùni ba o naano. Yògùnu bà, bi yen tùa ke o nilo naano tie o fùoma\* (dìidi fùoma)

Màlékì

Màlékì tie U Tienu tondo yàa n yen càagí o laabaali. Màlékì tié yàa fùoma n yieni y`aala n ɲàni U Tienu pò, ki go tiendí U Tienu n bua yàala. Màlékì tiendí yàala n ɲàni yàabà n ye U Tienu diegu nnì pò kuli. Yà màlékì n jágínì tùuni Sutàani pò\*.

Batisima/Batìsi

Li jaandielì góbíkoa yen míaní (ñùagí) o nilo mi ñìma nni yògùnu wàamu bebe po, Ki go gòaa ki fiino wan go ña mi ñìma nnì. Yeni, ti wángí ke Kilisiti den ɲúúdì ki ɲànbi ti cáin. Ti go wángí ɲanduna yàaba ki ti tie Kilisiti jaandielì\* tàanma yua. Ti ya ba tùa batise ya yògùnu ti yen tiadi Jesu yua n den kpe pó. Bi nisàaliba den píno li kùli nnì, ama o den gòá fii bi tinkpiba siiga.

Sèla

A sèlà tie yàa bonɲanla ke U Tienu tiendi tipò. Ti yà mia U Tienu n sèlìgí ti, ti miadi o wan tòdi ti ki go tiení tipò mi ɲànbíli.

Tanpoli	Li tie Báa U Tienu leni Kilisiti n yé yàa kàanú. U Tienu yé ki di o bálì tanpoli diema. Yàaba n bání U Tienu leni Jesu móamòani bà gèdì tanpoli bi yà ti kpe. Li tié yàa kàanu nnì ke bi niba kan go yàa pia paka, bi bà yà pia pamanli yògùnu kuli. O tanpopàano leni ki tinpanga : Li tié Yàaba n bání U Tienu n bà ti bàà yàa yékàanú.
Pàli	Li pàli tié o nisàalo nnì yàa bóagíli n pìà fuoma ki cie. Lankàne ke o gbàa li bonla, ke o kpàagí ki go tàaní o jàgá.
Púnbì	Li tié bàn tiendi ki cànpanDIGA yàa yògùnu, míapanli n cílí o pùà gbànu nni yàa yògùnu.'
Dugidi	Ki dugi tié ki ñòadi bonla bi nilo yua ki tàma ke o tie móamòani. Li tié ki yà pia dananli*, ki sòani leni dandanli[diidi dandanli] .
Dapoanpoanli	Li tié daadi lie ki bi tàani ki kpá ti. Jesu jàmá yògùnu, bi den yen lòli bi nikipàba dapoanpoanli pò yo ki kpà ba. Jesu den kpe li dapoanpoanli pò.
Dandanli yua	Li dandanli yua tie yua n bàni Kilisti, ki go bíli o dugidi o pò.
Tuotabigu yudàano/Biàdo	Li tié yeli tòali Sutaani* pò. Sutaani* tie màlékì jágínbà kuli siiga yua n jágíni ki cie. [diidi màlékì].
Ñòadika	O ñòadikoa tie yàa nilo n ñòa nitòà ki bàngí o kàni bonla. Li tié yàa nilo n ñòa Jesu, leni o bangima.
Jaandieli yàaba táanma	Li jaandieli táanma yàaba tié yàa nitàanli n ñòa Jesu ki go daani o cáin. Bi pia táanyenma, bi batisi* yàaba n dáaní*, bi tàáni ti Diedo tabili, ki go tuo ki kúbí Kilisiti bangima.
Fàntánbùogu	Li tié U Tienu n bìli yàa kàanú ki ba pàadi o báá leni a nibiada. Li tié u cuonú kàanù a ni bìada n ba gedi naani bi yà kpe.

Fùoma	Mi fùoma tie nilo yua káá pia gbàndi, ke o baa kùlì kan fidi ki le o. U Tienu tie Fùoma. U Tienu go tàgì tòaba ke bi tie fùoma (màlékìnbà*) ke ti kan fídí ki le ba ; bi ba fídí ki yàa ñani bi ki yàa jágínì. Yògùnu baa bi yen tùa ke o nilo naano n tié o fùoma [diidi naano].
Míakángbénìl	Yàa bonla n den li málíi ye hali yàa yògùnu kuli ki go ba suagi ki yàa yé tié míakángbénì. Yàala n káá pia cilima káá pia júodímà.
Dandanli	Li tié ki dáanì o nilo bi li bonla. Li tié ki dugi ki go dáanì ke U Tienu ye, baa ke tin kan fídí ki le o.
Kpiagìdi	U Tienu Kpiagidi tié yaali kùlì n teni ke o ñani, ki yabi, nani wan tie yaa badi ciamo Yeni.
Ñanbili pàabu	Li tié U Tienu n puni o nisaalo yàala ke tii bi dagidi ki bàa la kelima ti tuon jágíndi po. Li ñanbili pàabu tie U tienu n puni ti yàala kelima o mání hali boncianla ti pò. Sugili* leni mi todima ña U Tienu kànì.
Jìgìdì	Ki jìgìnì o nilo tié ki yèdi yàala n ñani láá nilo pò. Ki tiéni o pò yàal n ñani kelima a pia opò li fàngìli, ke o go pia a pò mi fuoma.
Pia jìgìdì	Li tié ki yaa tiéni yàali n ñani. Ki yàa ye ki baa wangi yàa fangili ke ti pia U Tienu po leni ni toàba po. Ki ya tie yua n tiéni ya tuona n tiègì ki go ñani.
O bulo	O Bulo tie yàa bonla ke bi tiéni leni daagu, leni a tánli bi leni ti kúdi ke bi niba jaandi là. Bi bì bà ya kpiagidí U Tienu bebe. Bulo bà fidi ki ya tie nilo fòtó bi bonla bá fòtó ke nilo bua la ki cie U Tienu. Li tié tiéni fààma, yàa bonla, bi yàa nilo ke ti bua ki cie tin bua U Tienu máamà.
Isidayeli /Isalele	Jufinba bùolu yàaba n den ye yàa tinga. Bi go yi Jufinnba bùolu yàaba Isidayeli /Isalele yàaba. Bi tie Abalahama, Isaaka leni Jakobo yáa bila.
Juif	Yàa nilo n tié Abalahama, Isaaka, Jakobo leni bi bila n mali yua. Li go tié yàa nilo n pia Jufinba dandanli*.



Ni tegínka	Ki yàa tiegí tie ki yàa dàgìdi leni U Tienu. Bi niteginkàaba tie yàaba n tiegi U Tienu nintuali. U Tienu ya ñanbi yua ke o tiegi, wan yàa pò, làa nilo ñani cáin. Yùà n tiegi tie U Tienu danli, wàá tie o yíbalì.
Bàli máama	Li tié yàa mábílíkàama ke o góbíkoa yen bílí ki wáani bi niba ban bà ya kúbí bi yèma màamà. Li den tie yà mábílíkàama ke U Tienu den ténì Musa Isidayeli / Isalele yàaba pò.
Sòlìndí/sòlìma	Li tié yà yèdìma n pìà fidu ki ba fídì ki cùani yàala n bìà bi o Cùonú nilo miàli yèma nnì bi bonla pò.
Ki tiéní Sùgíli	Li tié ki wàani mi buama ki go gàndì ke a kan go tíadí nilo n tiénì yàa bon biadila. U Tienu yà puni pùnì ti sùgíli, wàá go yen kúbí ti po nanma bá kùlì tipò.
Tuonbiadi/ Tuonbiadi daano	Ti tuonbiadi tié ya bon jágíndì kuli ke biniba tiendi ke li kòani U Tienu bi ki kòani ni tòaba. Yàa yògùnu ke tí ñòadi U Tienu mábílíkàama, bi yàa yògùnu ke tí tiéni U Tienu n miá tin tiéni yàala, ti tiénì tuonbiadi. Ti kùlì tié tuonbiadi danba, kélìma ti tiéni yàala n kòani U Tienu leni ni tòaba. Ti kùlì tie tuonbiadi danba kélìma ti yen màà leni ti bonbuakaabiadila.
Sáwálípúalo	Li tié yàa nilo n den ba fídí wàani o líeba U Tienu n den bùa yàala. Hàli yògù yàa yògù nnì, U Tienu den yen sòani bi sáwálípúaba ban máadi o pò. O Sáwálípúalo den yen tùodì ki wàani yàala n ba ti tiénì sáalà pó.
Ki findì	Ki findì tié ki bàa yàala n ñani ñùadi, li tié ki yàa pìà làafia, bi ki yà pìá pìama. Ti yen findì biniba yàa màadi ti ñanma màamà. Ti yen findì ti bàadi ni tòaba ñánbìli tipò.
Dàáfàabì	Li tié ki gòà dàà bonla mì líèma kélìma li den bódi bi ke bi den suni là. Li tié ki pàá dùnga ke tin fídí ki dìedí bonla.
Bídi a pàli ki lèbìdi a yama /Tuubi	Li tié ki búli ki ñàa ti tuonbiadi*, Li tie ki tiéni U Tienu n bua tin tiénì yàala, Li tié ki tàá jàgìli ke ti kan go tiénì yàa bon jágíndì ke tin den tiéni kpiamá.

Fàngili	Li fàngili tié ki tiení o nilo po nàni ke o cìe tinba yèni.
Fii bi tinkiba siiga	Li tié gòà fààdi bi tinkiba siiga. Li tié ki gòà yàa fo.
Diema	Mi diema tié o badicíamo n die o bali yàa kàanu nni. Li tié yàa tinga nni ke badicíamo n die. U Tienu Diema tié yàa kàanu ke U Tienu di o bali.
Sabbat/U Tienu fùodima dàali.	Li tié U tienu n den fùodi yàa dàali o tàgìma tuonli po. U Tienu den yèdi Jufinba* ke ban da sòani tuonli sabbat/ U tienu fùodima dàali. Li den tié dàgagidikàali ban den bà fùodi yàa dàali ki go pàgi U Tienu.
Gàgìdi nàni.	Ki yaa gàgìdii nàni tié ki gàgìdí U Tienu pò, ki yaa nàani leni o. Ti yàa gàgìdii nàni, tíi pìà tuonbiadi, ti nàni cáin U Tienu nìntùali.
Tienu Fùoma Yua	U Tienu Fùoma Yua [diidi fùoma] yo ke Jesu den sòani ke wan ti tòdi bi niba. U Tienu Fùoma Yua tié yèli tòali tin yi U Tienu yàa yèli. Ti go yi o U Tienu Fùoma, Kilisiti Fùoma leni yàa Fùoma n tòdi ti. U Tienu Fùoma Yua tie nilo. Ama wáá tié nisàalo nàni tinba. O tié Tienu, ki de leni U Tienu Báa, leni U Tienu Bijòà. [diidi bi tàá n yendo]. Wàni n tùuni u Tienu Tuonli nhanduna nni. Nilo o bàa ki nùá U tienu Fùoma yua, Ama o ye leni yàaba n bàni Jesu, o go ye bi niinni.
Sutaani	Sutaani tié yèli tòali o Tuotabigu yudaano / o Biado*. Sutaani* tié yua n jágígní ki cié màlèkì* jágìgnba kúlìl [diidi màlèkì].
Tindì/Tíndima	Mi tíndima tié ke U Tienu cìadi ti leni ti tituonbiadi* yonbidi, leni tin lùonì yàala. Li tié ki tindì bi ki fàabí leni ti bon júagínditi.
Càndàano	Jesu Kilisiti tié o Càndàano. O tié yua n gòà gédini ti U Tienu Kàni ki go fàabí ti leni yàa cúnù n bi bà bàà ti kelima tin tieni yàa bonbiadi pò.
Ki màngi a pàli	Li tié ki yàa ye leni pamanli kelima tin pia yàala ya po, ki go yàabàni ke tin pìà yàala dagidi tipò.
Diedo	Diedo tié U tienu yeli o Máama Tili nni. Lani n wáànì ke o cìe nilo kuli leni li bonla kúlì ke o die libàli bonla kúlì pò. Ti yi Jesu láá yeli li yaa tié ke tùo o ki tiendi o yanbùama.

Bi tà n yendo.

Ti yà máadi U Tien yèndo yua n tie niba ta mààma : U Tienu Báa, U Tienu Bijoa (Jesu) leni U Tienu Fùoma Yua\*, Ti yen tàá láá yèli.

Wándiali

Li wándiali tìe yàa nilo n dáá kpia táani leni nilo, jòà leni pùà tánma sanu po.